



原欠茅三冊記查補



予性嗜讀書先後集
史殆數萬卷凡相借者
罔敢自恣第不可隱匿
損污倘更賜之題跋正
其訛謬又意外之望也
澧州吳璣寶文堂記

玫瑰先生樓公文集序

鄭山參政樓公文集一百零二卷建安真

節秀伏讀而嘆曰嗚呼此可以觀公立朝事君之美

節矣蓋公之文如三辰五星森麗天漢昭昭乎可觀

而不可窮如泰華喬嶽蓄洩雲雨巖巖乎莫測其巔

際如九江百川波瀾蕩滄淵淵乎不見其涯涘人徒

見其英華發外之盛而不知其本有在也

初韓侂胄除知閣門事忠肅彭公力諫改侂胄內祠

彭公予郡公在鎖闥極論之云去者不復侍左右留

者召見無時終不能遠時侂胄之惡未著也既而竊


弄國柄以黨論盡錮天下賢士挑虜棄盟中外騷然



天下始服公先見朱文公侍經筵內批予祠公
持其命不下曰當今人望儒宗無出熹之右者奏雖
寢然當邪說充塞之時首倡學者共尊朱公後卒賴
其言而學禁遂開道統有續然則觀公平生大節而
後可以讀公之文矣公生於故家接中朝文雅博極
羣書識古文奇字文備衆體非如他人窘狹僻澁以
一長名家而又發之以忠孝本之以仁義其大典冊
大議論則世道之消長學術之廢興善類之離合繫
焉方淳紹間鴻碩滿朝每一奏篇出其授
據該洽義理條達者學士大夫讀之必曰樓公之文
也一詔令下其詞氣雄渾筆力雅健者亦必曰樓公

之文也於乎所謂有本者如是非邪公既鑿五籍侂冑
之鋒退居却掃者十有四年嘉定起為內相俄
輔大政向來傳筆凋略盡而公歸然獨存遂為一
代文宗德秀嘗竊論南渡以來詞人固多其力量氣
魄可與全盛時先賢並驅惟鉅野李公漢老龍谿汪
公彥章及公三人而已念昔校藝南宮白事東府或
清言竟日或極論達旦德秀退而書紳終身誦之其
所以猶為當世善人君子所與而不遂為塗人之歸
者公之教也公季子治以集序見命德秀何敢辭建
安真德秀謹序

右山公季子出以事卒也... 右山公季子出以事卒也... 右山公季子出以事卒也... 右山公季子出以事卒也... 右山公季子出以事卒也... 右山公季子出以事卒也... 右山公季子出以事卒也... 右山公季子出以事卒也... 右山公季子出以事卒也... 右山公季子出以事卒也...



攻媿先生文集卷第一

四明樓

鑰大防

古詩

攻媿齋

余以攻媿名齋俞致翁惠書謂若

無媿可攻者讀之悚然不敢當以

詩謝之

聖賢不得見道散固已久學者多自賢鮮肯事師友
顛冥聲利中悔吝皆自取動言無媿作未知果然否
寡過云未能先聖欣善誘凜凜孟氏言幾布異禽獸
參乎病知免遂使啓足手寧知起易簣又在此段後

吾儕况小人氣質素凡陋以其所以養孝道亦何勉
前類水馬立處祇如舊儻復不自力其未當愈謬每
思攻所媿扁榜銘座右三誦故人書慙汗幾欲留夫
豈為戲言知君於我厚曰之更加警補過尚無咎

謝湖山居士示和陶詩 吳給事希

淵明千載人風節仰孤峭豈惟辭督郵連社不得詔
書不求甚解眼高得玄要詩亦本無意但馮曾中妙
齊梁紛衆作嘈雜春禽叫稚子候簷隙文通剝搜紹
矯矯玉局翁尚友謝浮漂飽喫惠州飯追和欲同調
湖山老居士宏才盡廊廟出入官五紀懷疑自年少
屢賡歸未辭吾行有先兆老龍卧林壑年高德彌邵

向來批勅手甘心事畊釣築室據仙居泉石造深突
亭榭望堂皇蓬萊對圓嶠涉園日成趣遇客酒頻酌
巖巖鸞雀娉炯炯雙眸瞭墮體黜聰明坐忘樂遺照
西疇時告春東臯快舒肅襟期古暗合此事不容詔
盡和靖節詩筆走追風驟又如斐旻劍騰空徑投鞘
人生嗜慾深山林不供燒何當從公游脩然寧荷篠
小子敢言詩未免事華彩西施難效顰邯鄲恐貽笑
思欲焚舊藁世味輕咀嚼稍尋常蘇州旁引孟貞曜
絕去翰墨畦毋鑿渾沌竅尚或疾幾焉未暇期速肖
送袁和叔尉江陰

澄江少日曾經行高城傍有長江橫君山持立江之

汀下瞰淮甸一掌平申港引潮深無聲萬頃淮注滋
農耕國戰今幾二千齡黃歌此地猶垂名舊以邑屬
南蘭陵疲於奔命吏失寧今焉裂地為專城獨當一
面行雙旌井市雖小民厚生四十萬緡輸賦征舶商
輻湊衆貨羸牒訐簡省官曹清一邑負郭相依憑守
宰同僚齊弟兄脉絡貫通易及情射職無卑近編氓
坐閱是否真權衡傍郡孔道困將迎我乃靜趣如郊
坳安與並行人子榮况有海錯供庖烹河肥鱖鯪鮮
不經車鰲蛤蟬均藜羹夫君傳家有典刑父子知已
人一經詩書滿門不慙鄉豈羨漢士黃金籬薦口久
不徹帝京九萬自此開鵬程平生寒窓照短檠興亡

千古無遺形妙年射策當彤庭歸領後生為主盟友
朋講習誠專精世故多端須飽更京口直下連滄溟
官府閑稀行旆驚邊頭久無夕烽青要在彈壓潢池
兵簿書期會勤經營人物酬應審重輕一言行之可
終身謹毋失已毋夫人贈人以言豈吾能頻嘗於此
三折肱舉以送君君試聽

登育王望海亭

瘦藤拄破山頭雲山蹊盡處開危亭平田萬頃際大
海海無所際空冥冥乾端坤倪悉呈露飛帆去鳥無
遺形蓬萊去人似不遠指點水上三山青褰裳濡足
恐未免儻有颺馭吾當乘是中始覺宇宙大眼力雖

穹了無礙雲雙八九不足吞回視塵寰一何隘曾聞
芥子納須彌漫說草庵含法界看我振衣千仞岡笑
把豪端捲煙海

林景思雪巢

四時不皆雪陸居本非巢高人興寄遠表此一把茅
吾非二祖可夜立寒齊腰吾非鳥窠師結廬真樹梢
白日照我心不以見晚消兩脚踏實地風雨無漂搖
作詩穹益工寒瘦逼島郊落筆句驚人不得尋推敲
客至不問誰淡若君子交直氣干霄上下視鄙斗筭
富貴頃刻花誰能等幻泡附離如幕燕自謂漆與膠
先生閱世熟兀坐山城拗春陽會有時豈日終繫匏

五

錫山寄雄文凜然豎髮毛我非敢言詩為君聊解嘲
題龍眠畫騎射拖毬戲

綠楊幾枝揮平沙柔稍裊、隨風斜紅綃去地不及
尺錦袍壯士祈鬃射橫磨箭鋒滿分靶一箭正截紅
綃下前騎長纓拖綉毬後騎射中如星流綉毬飛硯
最難射十中三四稱為優元豐策士集美殿金門應
奉人方倦日長因過衛士班飛騎如雲人馬健駕幸
空津知有日穹景馳驅欣縱觀龍眠骨中空萬馬駭
目洞心千萬變追圖大槩寫當時至今想像如親見
靜中似叱咤聲墨淡猶疑錦綉眩開窻撫卷三太息
五紀胡塵暗幾句安得士馬有如此長驅為決單于

戰

題羅春伯所藏脩楔序

東游登會稽祗見蘭亭不見碑
北過中山府欲訪此碑不知處
問從故家看墨本如此二者絕難遇
曾經耶律檀裹去至今胡虜猶知慕
時將一二餽膚使持歸往往快先覩
未知玉石真在否要比江南終近古
他日縛取呼韓作編戶勒銘歸來過
定武只問君王乙此碑打向人間莫論數

題孟東野聽琴圖因次其韻

誰歟住前谿夜深以琴鳴
天高顛氣肅月斜映疎星
橡林助蕭瑟泉声激琮瑋
彈者人定佳能使東野聽

六

東帶不立朝逢夜甘空庭龍眼發
妙思神交窅查真不見彈琴人
畫出琴外聲郊寒凜如對作詩太瘦生
恨不從之游撫卷空含情

壽安撫伯父

東樓德澤流無窮我公挺生慶所鍾
瓊枝玉樹瑩精彩迥然不墮風塵中
少年慷慨吐虹氣文詞元不減儕輩
曾中妙蘊經論才剴剴裁繁持餘事
曾從蓮幕試牛刀舉城但識劉功曹
淵翻薦口動天聽一語便逾華衮褒
上方欲董嶺南弊東才果得吳剡吏
不妨一勺飲貪泉清德泠泠今可紀
憑軾雍容安七閩列郡合詞繡得人
從茲十載秉麾節坐令萬里回陽春
洞庭風月瀟湘雨君王無復憂雨顛
抗章乞

得半生閑遙指家山賦歸去廟堂未肯閑宏材大開東閣
需公未朝隨召節赴天闕夜馳使駟歸長淮廣陵卧治要
汲直今節熒煌照熊軾底用腰纏十萬錢且看身享二千
石忽思鮪膾寒菘羹拂木欲遂鄉閑情視去西陽如脫屣
意色蕭然同鬪生盡般重泛西湖上水光山色都無恙主
人骨頰東風回故園桃李倍清爽六藝龜背負三山歸輪困
老檜蒼龍姿了無塵俗敗人意槩几長物皆瑰奇橫岸輪
巾披鶴氅神情直出羲皇上塵事到頭曾不聞卧聽
歌臺傳煥響百花堂前手自栽興未一盃復一盃
人生亦欲自適爾富貴於我何爲哉中春况屬懸弧
旦史君亭榭風光煖東君預借一分春不許芳菲作

春殿綺羅香深初肆筵弟兄酬酢盃相傳此時更復
惜一醉君從何處拚垂蓮五侯貴盛德未美簪纓不
滿高陽里何如清白傳家風變世青氈盡朱紫燕居
今喜相比鄰其如四海須陶鈞羽書鼎未在朝夕何
數羔鴈徒成邸芙蓉城中有仙宅十洲三島環其測
此中樂不減商山功成歸作始芝客

送伯舅汪運幹大雅

人生自古悲別離別離今日何足悲試問今日行者
誰鄞江名族真男兒虬鬚燕領軀十圍凜凜端有熊
豹姿毅然剛立不怒威矢視最輩何脂常州縣小試
囊中雖政績今在众口碑姓名通籍黃金闥便汎王

儉紅蓮池平時幕府多素尸坐縻公粟邀以喜只今
方當多事時正要名士同驅馳森口百萬虎與貔荷
戈分駐淮東西兩淮千里雙使麾幕中僚吏皆擢犀
惟公婉畫明著龜辨如懸河不可隄宵中武庫深難
窺決策固有堂上奇朔風吹空黃草齊正恐秋高胡
馬肥萬人相顧目睽睽見公此去多腹非公獨僕被
行不疑單車西去征馬嘶平生氣槩衝虹霓恨無天
竺筍羗夷方今天相中與期黠虜戴頭來邊陲願公
速蹈功名機凶奴不滅何家為出門千里何足辭但
願滿引金屈卮

七月夜汎舟姚江

秋暑不可能幾思泛中川晚來興有適溪船偶及門
涼月終上弦平潮可黃昏倚楫縱所如卧看龍泉山
長虹跨空闊過之凜生寒坐穩興益佳夜氣方漫漫
草蟲鳴東西飛鳥相與還仰頭數明星垂手搥碧澗
坐客惜此景不及携清樽無酒要不惡徜徉足幽歡
幽歡有何好叩舷澹無言

送王正言守永嘉

江頭潮生江月小暝煙綠暗垂楊道有客扁舟送史
君道傍不怕椰榆笑向未一別三換歲正喜情親得
頃倒吏民引頸望旌麾空有離愁滿懷抱史君讀殘
萬卷書古事今事俱了了便應珥筆侍天陛不然代

言登鳳沼瀛壖山水久寂寥為屈未繙未生嘯怡憤
峯高舊題詠赤城所在經行飽永嘉名郡太守尊靈
運後來詩絕少天作馮蕩地為歲蠟屐穿山未曾到
改轅却向箇中去更得江山勗詩好齋鈴靜處定得
句不待池塘夢春草玄年海水上平地大風駕浪從
天杪蒼生澌澌生魚頭聚落隨波迹如掃今年二麥
連野秀田家扶犁事稅稻史君憂國屑不開叱馭徑
行仍及早衰哉千里方更生縣官租錢湏戶曉縱民
自恐上不足誅取仍憐下無告邦儲邦本熟輕重肯
使疲民困征擾君不見巖巖千古陽道州政拙催科
自書考

九

遊龍瑞宮

隔山望危石老面凜如鐵路田兩屏開見此高嵒崿
偉哉名公卿峩冠會朝列又如鼓迅霆玄雲助繫烈
癡陰不作雨空翠襲冰雪野水不知源遠徑幾萬折
子長貞愛奇萬里探禹穴我家角水東扁舟輕入越
竊此半日閒到處輒清絕傳聞古洞天瓊臺照金闕
神仙杳難問一矢山石裂相逢客路中翻手數年別
勝地更躋攀莫散屐齒折

三日不得過都泗堰

南朝何公栖禹穴嘉遯悠然志高潔一朝送人都泗
埭歸嘆此途於此絕我亦何為走塵埃數年不紀幾

往來船橫三日不得度，愧想高風安在哉。

宿佛日山

平生臨平山，知誦藕花句。輕帆幾未往，山色澹如故。
寧知千萬峰，中間著佳趣。蕭蕭蒼髯翁，為指花城路。
我來春正濃，天寒日將暮。雲深鍾嶼鳴，自喜得勝具。
緬懷玉局僊，老筆掃朝霧。玉梨儼相持，珠旒竟何所。
惟餘渥洼水，蒼龍角牙露。人間翻覆手，烈日變烟兩。
俗子眩炎涼，三四錯賦芋。道人笑視之，萬化隨所寓。
深坐十笏地，一息了千慮。箇中誰得知，幽鳥背人去。

求仲抑招遊山歸途遇雨

竹輿遶湖濱，宿露尚厭浥。徑到玉岑下，坐久客始集。

起穿靈石山，萬松介而立。梅天氣清潤，空翠行可挹。
古藤幾百年，枝蔓兩山及。見說暮春時，花紫光熠熠。
直疑老潛虬，初起夜未蟄。俯翫歲寒泉，幽冷不敢吸。
相將上龍泓，塵鞅謝羈馭。洞有靈蛟居，臨深心岌岌。
魚游明鏡中，巨浪無三級。寒宮載水去，萬頃潤原隰。
濛濛小雨未歸僕，鳥飛急野興殊未已。日晏不暇給，
衝泥上湖船。雨陣遽奔襲，飄風將急點。回旋驚四入，
中流益蕩兀。短篷不當筮，待篙亦久之。怒勢不少戢，
我徒方嘯歌。弗為改豪習，但耻躡壘磴。莫問衣濕濕。

吳江舟中

阿連久矣共一被，小別愁生夜無寐。風帆將我上征

途回首江山日千里小舟橫卧吳江水夢回依約蕭
齋裏五更漏急月黃昏鳥散一聲人未起

讀范吏部三高祠堂記

三高之夙天與高三高之靈或可招小山以後無此
作具區笠澤空寥幾從垂虹蕩雙漿寓目滄浪獨
招悵筆端不倒三峽流欲遽招之恐長往前身陶朱
今董狐襟抱磊落吞江湖瑰詞三章妙天下大書深
刻江之隅我來誦詩凜生氣若有人兮在江水扁舟
獨釣膾臚茶竈筆床歸甫里先生固是丘壑人只今
方迫切與名謝公挺鼻恐未免陳看林藪生風雲他
年事業滿尋鼎乞身歸未坐佳境不嫌俗士三斗塵

容我漁菟理烟艇

僊都獨峯

漢家武徹求神仙方士搯擊多誇言蓬萊隔海不可
到屬車方羊上橋山傳聞黃帝久仙去胡為有石高
噴岫游談不經理欲屈謾言此地歲衣冠縉雲自是
仙窟宅萬壑千巖比如擲突然一石摩青雲造祀應
勞巨靈擘仙風吹墮碧連花玉井半空人不識望之
不計幾千尺八柱擎天此其一伯夷制行高且孤萬
世猶能立懦夫英魂凜凜今不死化作此石山之隅
橫斜轍迹依然在我亦何能窮古初

靈壁道傍怪石

飽聞茲山產奇石東南竇之如尺璧誰知狼籍亂如
麻往往嵌空類鏤刻長安東風萬歲山搜挾玲怪窮
人間汴流一舸載數輩徑上艮嶽增孱顏當時巧匠
斲山骨寘之汗干高突兀干戈動地胡塵飛生使奇
材成棄物君不見黃金橫帶弔神運不數臺城拜三
品只今零落荒草中萬古淒涼有遺恨木人漂漂不
如土坐閱興亡知幾許行人沉嘆馬不前石雖不言
恐能語

括蒼溪漲

雨餘大溪觸山流氣勢直欲凌沙洲浮梁中分斷端
竦流沫東去行蛟虬人家嘈嘈避新漲雲祿冉冉添

十二

平疇漁翁輕生有如此小艇橫絕隨飛鷗

石門洞

扁舟百里連城回青山中斷立兩崖清都虎豹隱不
見但見閭闔排雲開峯回失喜大飛瀑聲震萬壑驚
春雷掀髯目極九霄外玉虹千丈飛空來一冬青女
斲天雪不知聚此山之隈傳聞神龍卧真上竇歲擊
碎真瓊瑰曾中元自無塵埃到此更覺心崔嵬天風
為我喚空翠春水瀉入驂人懷謫仙曾未寫勝句刻
郎又為開天台我慚筆無挽半力醉墨滿壁誰為裁
或言龍湫更奇絕雁山高處深雲塊我方攜筇往尋
訪未知此此何如哉

大龍湫

北上太行東禹穴雁蕩山中最奇絕龍湫一派天下
無萬口贊揚曰一古行行洛入兩山間踏碎苔痕屐
將折山窮路斷脚力盡始見銀河落雙闕矩羅宴坐
看不厭騷人弄詢困搜抉謝公千載有遺恨李杜復
生吟不徹我遊石門稱勝地未信此湫真卓越一未
氣象大不侔石屏倚天驚鬼設飛泉直自天際來未
處益高整益烈從地倒瀉三峽流到此誰能定優劣
雁山佳趣得要領一日盡將神惡襲驪龍高卧喚不
應自媿筆端無電制輪困瀟索端不怒非霧非烟亦
非雪我聞凍雨初霽時噴繁生風散空澗更期雨後

再來看淨洗一生煩惱熱

連雲亭望海中諸山

雁山本在雲海中波濤千古相撞春泥沙洗盡見山
骨巖壑所在皆玲瓏是誰一口吸水盡平地卓立成
奇峰至今往往有遺迹相傳渺漭何能窮我乘單車
來自東佳處一覽千數空晚登四十九盤頂曠望巨
海烟濛々群小錯立不知幾朝日照耀天霞紅是問
瑰奇定多有鯨波掩蔽深莫通我無太真燬犀法安
得一闕馮夷宮會聞滄海變成陸却與雁山爭長雄

寄題張法曹瞻雲軒

張侯名軒意可知如登太行看雲移我雖未得登軒

墀不鄙要我巴人詞爾時膝下邀以嬉欲斷教語、
不隨娛侍東嘉樂無涯官舍偏仄親不怡安與相將
甬水涓日日東望勞文願秋風得檄欣星馳歸拜親
下聊信肩官事有程不得遠欲去故國行遲重未橋
袖黃金垂霜著新蟹雙螯肥海魚甘鮮一尺圍欲奉
色養春為期瞻雲之思今同之慨然落筆成新詩人
間至樂在庭闈何用自縛微官為君方欲解左顧龜
我亦自思投檄歸相望百里俱萊依從他天外閒雲
飛

次韻翁慶度同遊北山

兩夫持鎌行我先巧尋徑路其智專我扶枯藤衣短

後意氣已出層峯巔何郎鮑叔鮑經歷勝處一一手
自編我携舊記訪陳迹正恐急景不得延當年共登
青雲梯今日邀我為擊解始觀神龜闢青泚上有石
壁來飛泉隱清遺基平可坐下顧亂石如磨鋌懸崖
雙瀑洒空雪參自一握孤雲天却從下流沂深險崎
嶇直到清潭邊朝陽射光破幽閤斷虹上下遮潺湲
傳聞高山更高處雅有行路從西偏同行無乃深好
事盃酒自犒脚力全誅鋤荆棘窮鳥道欲進不得意
愈望旋呼童僕累危石笑採野菊聊盤旋捫蘿膝身
上苔磴往往歡呼爭著鞞測行危步汗浹背石角或
使衣裳寒少焉身在雙瀑上又見高派衝泓淵向矣

泉石成膏肓愛賞不減蟻慕羶崦巖數峯巧遮護妙
處二老初無傳脫迹塵埃到此地便覓神思飄飄然
回首江南塵一聚城郭歷、眼欲穿相期更看水流
處步履未倦夸輕翮一上干尺窮山椒碧澗靡迤流
蒼烟尋源不能且忘返石狃魏距驚神鑄退求歸徑
惘難問藤蘿所在相縈纏我方踟躕風烟表披披衣
袂身欲僊脫歸招提各痛飲讀盡屋壁長短篇截筒
環山寬清駛竅出珠穗心亦憐茶枰相與論瓜葛橫
琴不妨揮五絃人生易老費扶掖勝具大率須少年
伊余歷聘佳山水愛奇切蒸太史遷明年炎暑襄故
步與君共枕清流眠

十五

遊白石巖

我遊僊都觀獨峯輒迹雖在車不通鼎湖望極幾招
悵悵無羽翮交天風茲未樂成望白石玉甃突兀摩
蒼穹人言真人老鼎喬鑿開洞府遺僊踪無人共登
青雲梯躋攀伴我惟枯筇縈田約畧三十里踏遍萬
壘高巖崑崙斷崖冷、落殘雨雙石凜凜亭孤松却從
山椒下谷口石欄屈曲遮碧椽頓疑山高氣凝凜古
未積雪今未融是誰玉斧妙鑿斷僊洞雙闕驚神工
巖深由日尚幽罔別有石竅開天聰傳聞峰頭貯清
此蒼嶂涓滴声冬瓏奮身更與上虛閣海山錯立煙
濛濛脚底千山行伏龍手揮五絃俯冥鴻霜林搖落

當玄冬長嘯一覽萬象空解木寄宿且過秦魂夢亦
墮冰壺中曉看日出滄海東蟻炬百萬燒天紅眼高
不數雁蕩雄行田下矣康樂公未能辟穀追僊翁頰
亦有意棲林宮三山不耄去人遠安期羨門宜相從
驂馮駕鶴太多事但欲御氣遊無窮

約諸公再遊龍湫

昨暮與君上龍湫天久不雨無湍流嘯呼拊掌笑不
應悵望頰亦令人愁夜來雷鼓驚雷龍起溪聲已竟
亂人耳莫辭重訪尊者居坐看倒翻三峽水

送劉仲起主簿

劉郎爲樓海頰邑不減向未人姓習凜然軀幹即之

溫語恐傷人中有立論交雖厚矣皆醴御史以嚴無
東濕公餘黃卷頰卷舒藝圃工夫日加葺永嘉素多
君子僚休沐新盟有清集伯倫忽去誰鯨吸欲挽不
留情悒悒君年方盛才有餘逸驥寧客在羈馬期君
速蹈功名棹塞草連雲朔風急

王侍御壽詩

史君威名聞四方南床凜凜疑秋霜史君秋氣到甌
越幕府初開夜飛雪頰問此雪仍歲無定知未隨御
史車黃堂洗印未多日慶朝况此當懸冰明年豐登
日可教父老兒童爭起舞遲明賀版擁譙門試拾歡
謠作詩語史君風度神仙人相門出相寧非真妙齡

兩科談笑得晚趨嚴召依風雲臺端敢言姦聽聳至
今讜論時傳誦踏遍巫山十二峯却尋春草池塘夢
人傳史君威稜、我知威愛元兼行蒼髯如戟面如
鐵惠養自有循良稱高牙入境紛進謁賓屬庭趨躬
磬折民主共喜愛日溫吏行獨畏春水裂向未夔州
妙壽邊夷壘落膽皇靈宣還朝奏課居第一夜半帝
席為之前東嘉今為股肱郡小試望之三輔近會循
故事入三公致君要使登堯舜東風未動春先回梅
花照眼歌遙開吏民合詞誦難老一笑千里傳銀杯
佳兒恂、授衣鉢玉樹芝蘭俱秀發江南世胄比長
淮更看雲來萃簪笏平生知己今上天敢復坐嘆寒

十七

無疆已言未足贊公壽載誦峻極崧高篇

鮑清卿病目不赴竹院之集詩寄生

客次韻

鮑侯年少老文學藝苑優游富耕獲胷中涵養自成
趣妙處正恐鬼筆覓我漸門巷非尺五字欲問奇誰
與推開樽竹院望同醉遠眼腦脂何太震團團十客
路兩未相從不負東風約投壺雅歌了無恨柢恨車
公一前却海棠春深照眼明風物融、悟非昨從教
雨洗胭脂淡小摘何妨供把握夜闌燒燭照春燭靚
妝如在結綺閣牆頭西望爛蜀錦嫣然一笑無聲樂
飛紅點地綉作茵正須席地天為幕要知富貴出天

姿艷杏天桃何足錄主人小築真好事肯學區、事
一壑洞門不鎖要客來笑君太似羊公鶴雨餘珠淚
色慘悽一顧正嫌無伯樂忽驚新詩未叩門妙語天
然不煩琢坐中傳觀字欲漫我豎降幡甘面縛清明
雨過已不休雲霧猶屯四山脚指摩病目不應遲及
此紅英半零落枝頭尚有未開花縱已離披亦何惡
知君既負西岑游可使一春終落窠會須未此共賦
之正要重聞誦新作

贈光孝益老

光孝長老師益蘇媿公諸孫兄迺壽
為台州判官別四十餘年一見歡甚

十一

林吏部有詩次韻

鷓原鴻雁行此理懸諸天萬事可變滅天性難推遷
頭菴幼出家潔飢同玄蟬一鉢寄西東悠悠經幾年
外慕等浮雲百念灰無煙難尤忽相逢觸動歡喜緣
尤陰信可惜征袂何翩翩此脊掩簿領未同妙峯禪
刺刺道家世客淚如迸泉玉堂與黃閣衣鉢親相傳
薄宦非為貪不敢替所先老師雖晏坐至情豈唐捐
此會非偶爾絕倒秋風前手持詩卷未謂予得無言
恍以天性語人生要有緣原嗟哉偽日薄莢豆木同
根一旦成仇敵釜中急相煎寧知有佳人芳草夢同
連相見無幾時譬如魚躍淵固知出世法惜別詎不

然又當作大觀忽為愛網牽千山元不隔毋庸對未
眠一且如山瑞香中言財無事
送王道州
九疑之南為春陵瀟水清駛山為城郡齋正據山直
上一覽萬家無遺形家君頃年入蓬幕我不得往空
馳情先生分符比中去心旌搖颺隨雙旌先生平生
飽文彖身上著作承明庭奧篇隱快辨如響一時自
許文章鳴高詞坐奪造化巧凜凜韶濩聲鏘鏗把麾
江海非無意親扶版與賦南征頰聞楚俗未蘇息糟
糠不厭盪疲氓正資儒術飾吏事技去強薤摩孩嬰
政成環召事未晚天子日夜聞延英風流千古三刺

史往繼聲叟陽先生毋庸自書追科考但願寄我春
陵行

哭王之幾墓

知幾少也爽萬事笑談了自謂頽寡合見我輒傾倒
百年能幾見一別迹如掃父子俱埋壁烏乎何其早
向來論文酒和淚傾宿草此意誰復知寤歡令人老

仲舅尚書生朝

去年生朝燕稽山館舍朗朗屋百間紅裙合樂飲徹
且坐上衆客皆酤顏今年生朝半歸路竹輿瀟瀟曉
衝雨回頭風景非去年當時賓客今何處仕已喜慍
曾何分適齋未減楚子文鼻間栩栩固自若世情物

慙徒紛紛平生知足閑
遲歸老鄉閑了無悔但欲
年年醉西風坐閱人間百
千歲人間萬事日不同尚
書人望方顯顯明年舉酒
拜公壽安知不在槐庭中

送鄭憲叔司封江西提舉

君名切斗魁步武上霄極
蓬萊群玉府圖書照奎壁
即官應列宿寢覓象緯逼
胡為作使星炯炯向江國
仰奉鶴髮親版輿映萊服
昔日紅蓮池帥垣資婉畫
方將散餘潤連城被膏澤
官推與民繇豐儉煩振耀
小試活國手疲氓賴休息
便歸侍玉皇拱立香案側
富貴殊未已行行上鳶掖
君其妙演綸三能有齊邑

次韻胡元用不利花

殘暑未盡秋欲來
玉刻萬葉瓊英開
孤標雅韻一枝
是江上紫翠空成堆
素娥常與明月約
青女細把輕綃裁
主人好事起時買
買真此地真宜哉
墻間閒地
方丈所幾年累斃裝
層臺春花秋卉紛
互發胡葵芍藥參
徘徊眼明忽見此
奇絕第畜素馨无
事梅夜深飛香性
幽獨未許蜂蝶來
相陪糖鬕封餘有
閩土會須掃取添
衣裁吾聞閩山千
萬木人或視此齊
蒿萊何如航海上
天闕玉色照映瑠
璃杯新涼徒倚看
不
是坐見日影歆庭槐

同官登勅局小樓觀雪

去年歲豐登雨暘應時
須所欠惟一雪祈禳遍
精廬

晚亦粗飄瞥六花舉空虛雲氣不待族風伯隨驅除
殘春寒尚深忽見雲模糊撒鹽壓衡茅晨與粟生膚
隨班上原廟恍若登蓬壺居堯宮殿深朱扉黃金輔
百神衛靈居半天散瓊瑤又疑守護嚴寶網絡明珠
參差鴛鷺行簪笏皆沾濡退歸冷局中忽問竹扶疎
為思此絕景往往終年無不應憚凌寒閉門守紅爐
為君登危樓深盃泛醪酥崖巍瞻吳山莽蒼望西湖
瓊枝宿飢鷹玉街走韞廡酒與萬里遠容我歌且呼
坐欲斲五言所愧李與蘇君與工屬聯灞橋去騎驢
久不作詩喜仲兄遷隣居因成長句宦游
各天涯皇州今雁行官居半里所相過復相望西隣

得老屋往來連戶窓水竹占幽勝風雨對一床十年
短檠燈今夜分餘光兒曹亦可樂洛誦聲洋洋天邊
有白雲隨風正飛揚相期奉旨甘菜衣戲親旁軒冕
皆倘來此意可暫忘詩成喜可知且復酬此暢

送林宗丞浙東議幕劬

先生風骨天與清冰松野鶴何復生胷中落落筭五
經大篇短章筆縱橫壯年文場諸老驚俯仰世故雙
鬢星萬事不理詩自鳴笑視軒冕秋豪輕市者爭利
朝爭名著脚往往遭譏評先生四五官神京又復歸
去鴻冥冥臺家急賢理不應况復察舊離觴傾先比
自喜得此行祿粟可已啼號聲秦望之山高且平臥

龍橫巨環州城鏡湖千頃波不具晉宋遺跡多豪英
議幙了無塵務縈撫物吊古皆閑情我亦久矣懷滄
溟旦夕欲棄緹油屏相望縱復三四程詩筒尚得尋
前盟

臨海縣治琴堂

子賤彈琴真是琴我今無絃知琴心使我不得琴中
趣絃以修綆誰知音才術高低不自由單父二子心
則伴後人不得彈琴暇勿以戴星為可羞

送石應之司戶歸剡以室迓人遠為韻

捷徑指終南索價譏少室窮達豈無命踏地湖不實
之人吏海隅所吐百味一夷途澹無管君其有終吉

年來嘆離群磨琢殆無幾資凡學益落駑駘費尺筭羨
君富春秋發軔方自邇驂駟更着鞭洗眼日千里
南明千古秀慶源又益新剡溪照人清况復屈斯人撥
祛不容留椒觴思拜親他年風雪中扁舟儻知津
平生貪賢心山川恨悠緬寧知日相見懷抱竟不展
樽酒了無暇離情果深淺室迓猶許踈况今乃真遠

送王仲矜倅興元

蜀道難難於上青天蜀道易易於履平地蜀山天險
固自欲視難為易在人迹王尊真有四方方志叱馭
徑行了無累早登岷峨仕陰城談笑動行千萬里漢
中由來說雞脅助意謂棄之為可惜君今此去良似

之更欲遠遊尋故迹漢都南鄭啓炎面秦置石牛山
徑關淮陰拜將餘臺高武侯葬處空松柏大笑出門
何既慷天涯離愁各盡觴荷君走馬却送我李侯參
語夜未央君方往蹈功名機何止別駕歌王祥先正
九年遺愛在更携故笏訪甘棠

仲務象簡乃參政入蜀時州用

中山

兩麓巖巖隨西竹勢欲吸盡西江清是誰縹以千丈
城欲去不去豈不靈化為青山鎮東溟首冠窳者雙
崢嶸安輿徒東喜逢迎笑指麓背同來登春殘雨足
綠陰成山鳥相和声唧唧自從半山經小亭仰望巨
石扶軒搃千山萬山擁翠屏陰霾掃靜纖雲與翠微

下有長江橫來不盡千古情廣軒俯瞰萬瓦平佳處
歷、堪指名雪蓬蹙雲連曲肱蜂房蟻垤棲殘僧扶
攔更上三兩層一覽物象無遺刑徒倚未厭茗椀傾
長嘯兩腋清風生親顏甚怡輪為停我亦色笑喜不
勝願我雙親俱遐齡方瞳鍊顏華髮星如此兩峯相
對青

汾檄柯山歸別張時秀

我昔志學年侍親宦西安弟兄游庠校見君平生歡
君才獨穎出逸駕不可攀夜窓共檠燈春遊合杯盤
虛堂卧雪嶺傑閣橫雲山闌柯上危磴鳥巨汾溪灣
是時氣相高辯論俱瀾翻一別二十年天街見我冠

殿廬看決科藍袍立清班黃牒墨猶濕大詔力能攀
爾來又五載短書融幾番茲焉捧檄來吏牘方拏煩
室迎嘆人遠一朝脫籠樊滿意縱劇談痛飲到夜闌
十步九太行此事亦孔艱進哭老先生畫圖慘青綸
持頭顧何為一昔成大還回思我伯氏人琴有餘嘆
感今念疇昔相與涕淚潛故人悵無幾恍如春夢殘
有酒不得飲有琴不成彈復歸坐冷屋使我凋朱顏
我歸不可遲倚門夢連環君言欲春糧伴我竹路難
欲去不得去僧坊話問閨年各幾半百後會髮亦斑
何處更有詩此心匪石頑群憂發孤笑厲職不當慳
氣岸有如君着身簿尉間鹽車勿長鳴會當上天閑

慘怯不忍別兩聲為泫泫君有門戶責慙勤願加餐

次韻沈史君懷浮岡梅花

玉人迥立山谷裏不有使君誰與憐毋庸高牙煞風
景為著佳句增孤妍寒溪照影謾千樹橫笛吹殘又
一年傳聞年後更多在便須躍馬趨平川

送玉木叔推官分韻得錦字

玉郎天下士中和自生稟澹然初無營見者輒歛衽
幕中資婉畫處事極精審與人如恐傷律已淵冰凜
深恐馬駭輿要使鴟食甚一寸憂國心幾年不甘寢
此意大未酬退靜若已甚使之行所學庶幾人奠枕
向來孰問之未免斯立噤川冰而雲飛賴有東陽沈

露章極推轂分韻句裁錦風流有如許不復嘆蹉跎
如君豈蓬蒿人物妙流品不應奉香火為養謀祿廩
與君幸瓜葛心交今十稔豈惟我惜別行道情真在
紅蓮色何似翠栢風愈凜願君踈藥果一意護齒飴
棄罪寶康瓠浮名如拾潘行矣無多言臨歧且劇飲

彭子復臨海縣齋

軌道癸巳冬此邦我經行鬱攸氣未殄千家真赤城
來訪臨海令瓦礫紛縱橫翹然三丈高問是戒石銘
徘徊重太息更聞愁歎聲試詢來者誰共言令姓彭
我時語旁人此邑其將與迨予來贅倅客館方暫停
夜聞簫鼓沸聽事先落成起望輪奐美壯觀聳連甍

百堵日已作斧斤喜丁丁層樓度勅書兩廡環中庭
久乃遊其間宏大使我驚位置既深穩斲削仍改精
田里不知役織粟無輸征安得屋朗朗突兀有寧馨
退食不苟處篇榜皆佳名中虛物自照政平由心平
穉栢已可悅况有賢弟兄小傳真吏隱縣擁高山青
琴堂雖增白此意宜細評智調天下理夸言笑後生
大弦可以急小弦恐弗勝舉意厲俄頃立欲如所營
手足民無措吏姦盜相乘不如踈節目示以信與誠
施行有次第幽遠無隱情上下始相應溫和高以清
予賤意不傳僅許勝戴星彭令蓋得此所以千里稱
此非以政學淵源甚分明行以解印去衆心已先傾

太守薦之朝一鶚飛青冥傍無蚍蜉按日夜思歸耕
我無薦賢柄直盡氣填膺安得採詩官取以徹明廷

送虞仲房赴潼川漕

我來舟丘乘貳車送客往往萬里餘盛山使君別寢
久漢中郎丞新寄書公指四明喜隣境典午何知成
畫餅揚旌忽作棹撞行去路六十抑何迥餘杭名家
多俊奇君於輩行尤白眉雍容晉韻足夷曠百家到
手無停投向來郎曹天只咫引身閩山接商舶賈胡
歎仰清鄭高霧中親見越王石此行叱馭不作難手
遮西日又長安長安日近公應住木放水星臨蜀山
不然一行亦不惡潼川應如錦城樂鄧侯公名凜如

在拾遺風采今猶昨流馬木年諸葛公飛輓正欲修
前功蜀民險遠日凋瘵摩撫要令畿甸同况公五絕
追鼻祖隸古真有两模風歸來富貴固未晚為傳此
學川西東

奉口遇雨

七月欲盡八月初天久不雨暑未俱下田焦卷上田
槁愁嘆不止田間夫嘔啞水車日夜響漕河揚塵成
垣途喜見此溪深且廣玄雲忽起西北偶林間檝檝
水漚起兩岸人物歡欲呼未聞霽沛潤龜坼且使萬
物聊沾濡舡窓飄洒踈篷漏客意自適涼襟裾引身
東望雲氣薄未知帝城有此無傳聞今日方奏告便

有響應來斯頃人家百萬苦炎燬君王齋禱幾月餘
君王齋禱幾月餘雲師雨師其疾驅
游天台石橋
兩龍爭欲赴深壑觸破山骨成修梁滔滔共出一門
去凜凜直落千丈強初疑鞭石跨滄海絕勝乘鵲橫
銀潢要須高躡前峰過往叩出中真賢坊

攻媿先生文集卷第一

攻媿先生文集卷第二
四明樓
古詩

史少師賜第賞芍藥分韻得木字

帝城有僊山雙徑森萬玉洞戶入深窈突兀見華屋
相君領衆客紅藥想芬馥霜刀妙裁剪烟脂點冰穀
技弱不勝花翠葉共斜蠹向未爭春風桃李媿粗俗
百卉紛何在庭樹擁新綠此蒼丈人行儼立見幽獨
相君戴花笑起氣俱可掬人言此花勝相君意傾屬
誰知心廣大何物不蒙福豈以庭中花而肯棄凡木
君看擇勝具所在可追逐自言居閒時情話會親族

一花有可觀爛賞費銀燭此心何揀擇寓意本無欲
以此宰天下以此鎮藩服兒童與走卒人人歌相國
有能達此觀春風四時足

送錢伯同寺丞守嚴陵

嚴陵錢使君丐外得請外府同僚

相與飲錢于錢塘之津某病疹弗

得預方得請之初某嘆曰去年送華星

君來今年送君歸君笑曰此即送

行詩也卧病枕上口占

去年送君來今年送君歸君善全去就我獨念別離
君是忠孝家龍紫傳金龜門戶二百年所寄在一雙

多事張茂先光怪異說空千年

走筆送僧義冲

一氣行太虛流行紛不齊要之本無物洞然無足疑

梵志有至言還我未生時燒了似不曾亦有毛僧詞

冲帥名家子少年習棗箕談吐霏木屑落筆皆珠璣

自称十年來不復念作詩空門坐枯禪綺語知昨非

聞之意已消談笑到日西習氣終未盡舊編還自攜

秀句堪供佛古作力可追愛玩不去手未免成一癡

又欲上西湖駐錫未語離我生墮宿業筆硯置藩籬

拔擢困胃腎未老神已疲幾欲焚故槁要使心清夷

君詩既不作何不持棄之万事都放下一意深玄機

語罷復自笑無使高人知作詩固無用參禪亦胡為
勸人反自蹈此紙何必揮不如兩俱忘他時赤體歸

催老融墨戲

古人借墨如惜金老融借墨如惜命濡毫洗盡始輕
拂意匠經營極深叟人非求似韻自足物已忘形影
猶映地蒸宿霧日未高雨帶寒烟山欲暝中含太古
不盡意筆墨超然絕畦迳畫家安得論三尺身世生
緣俱墮甌人言可望不可親夜半叩門寧復聽三生
宿契誰得知一見未言心已應巖傾千丈雪散空上
有清池開錦鏡意行忽發虎溪笑許作新畱寫幽勝
歸尋一紙五十文傳以磬膠如練淨自知能事難促

迫捲送松窓待清吳筆端膚寸金何如西抹東塗應
畧定何當一日快先睹洗我昏眸十年病

獨旦葦次九五從叔韻

朝菌晦朔雖不知食之實費東南味度節二十有七
品一見流涎驚絕異擲流剪韭皆可却味苦應無夏
蟲避大阮哦詩声未了又索蒸芝今再遺迓未枯枿
尚未茁拳、頗媿臺無餽倘容小摘寄情親會遣長
鬢見片意

雪

丙午九月才入冬晦日忽驚雪墮空傳聞都城更復
早萬官入賀明光宮自從闢霽更不兩和氣直似青

春濃斗柄掉子日丁卯夜燭裂缺靛雷公從以震霆
至三四驚破塾戶紛昆蟲寧知玄冥全未究翻手作
雲千里同暗窓初聽洒珠電巽二滕六方施工一日
喜見瓦溝積忍寒待伴烟不融二日三日迹盈尺膏
潤四海恩無窮古來詩人詠不尽巧思橫出昌黎公
火時奮筆不肯已老矣袖手便踈慵兒曹作戲記昨
夢舞後俾鉅金雙瞳誰人苦欲撩詩思更作玉山高
數峯移拊劉义西水柱輝映愈亮清心曾見之躍躍
忽枝癢起呵凍筆尋詩筒開門一省天宇闊素蛻百
萬翻長風瓊樓玉宇滿妙界千林寶樹春玲瓏恨無
高臺三百尺縱觀萬象空濛固知幻影有變成一

少年便老蒼况今更險夷不獨妙言語理窟深莫窺
健筆照手澤典刑從可知向來禦祥琴欲把江海麾
促召歸田班退食方委蛇世事并飄瓦人情嘆然其
向非渾金質百鍊豈不衰浩然賦歸歟潔身而去之
為察曾未幾棄我忽若遺君既棄我去謫仙復追隨徒
去二良友摻袂重分岐前別易再會今見當何時才
具素絕倫涵養日以滋且為牧嚴陵赤手摩瘡痍歸
來應不曉青氈當屬誰願君厚自愛歲寒尚相期

送楊嗣勳校書守眉山

我生東南陬不識蜀道難觀君眉宇秀想見岷峨山
漢廷射策時連璧照鴛班伯氏書萬言逸駕不可攀

茲焉從君游頗得窺一斑仙九隔弱水接絳良亦艱
矧茲萬里別望、何當還三蘇騎鯨去詞章滿人間
豈無後來者遺珠有餘歎願君効樂全飛章達天關
報國比最急餘事付尋常宣室行見思朝暮當予環
別語敢言詩屬賦不容慳

送何道夫秘監守潼川

妙齡冠蜀士名聲振王畿晚隨召節來天朝增羽儀
我昔倅丹立鹿侯掛冠歸群公俱祖送見公四三詩
頗恨着鞭先自言乞身遲拳拳慕下風直欲夢見之
還朝挹高致氣宇清且夷稱者不容口往往同一詞
始見荷傾倒笑談欲忘疲况當秋風高濫吹參試闈

鼎鑿得一常約班容管窺叔度真似道莊生信忘機
親疎皆不可况復容磷淄諸生得公來謹曰真吾師
叩簾或三請響答了不疑私謂如此人定應備倫思
胡為歸吳勇抗章氣不衰鼓盆萬里外抱孫更成悲
擁麾東川去無人留孔戮別懷不自勝別酒聽淋漓
他時念老成追鋒且復西公能重來否此意非吾私

送趙子直貳卿帥三山

一蹴登從班人胡謂公遲建牙帥七閩人胡為公疑
公今第一流志操古與期兩州有遺愛江西憺霜威
重來長道山批勅兼瑣闥一片憂國心輾轉中夜思
正色抗危言傳誦滿紳綏造膝有啓沃削藁知者誰

此心與天通此意上所知所以名愈尊萬口同一詞
進用恐不速小却成歎恣天語自昭然更欲誠望之
况彼三山重謀帥皆衮衣茲行豈細事報政不待期
登門恨最晚臭味忘賤微自慙空惜別不辭留孔戩
十連終歛惠居中乃其宜誠悶行道入但知望公歸

玉版鮓次陸子元郎中韻

鱗黃不戒鯨與鱸逆風鼓鬣噴腥涎漁人不顧浪如山
談笑坐致扁舟前一釣香餌不得去何用大網相
索纏揮刀紛紜鬻內骨巨口噉嚼誠可憐珍鮓萬甕
不論錢頭顱萬里積行肩星即日參玉版禪頗厭蔬
食供盤筵尚書親作孟宗寄生覓匕箸生春却却笑

時如入崑閬中仙家俄頃閱塵劫安知此際非神功
賸喜年來米價賤便欲扶犁隨老農墻頭濁醪走來
過相與痛飲歌年豐

少及凡真率會

畫錦坊中作真率群從相過無俗物主人就樹拈楊
梅醉倒薰風涼拂拂小舟傍城登雉堞坐看白鳥蒼
烟沒漁史撐出洞天去傑閣三層高突兀樽前賦詩
貴神速十分鈍似遼天鷗從他銀漏促殘更要見林
間紅日出

送元聲弟赴水陽監鎮

吾翁積德原九子官其六不幸失三人孤嫠紛在目

三第尚白丁升沈猶未卜吾人扶門戶參立如鼎足
既死憂患餘偏親湏水菽何連先著鞭去去長江曲
菊冠承賞延十載荷衣綠間閑困家食才就五斗粟
要知官無卑豪髮當畏爾督耕兩大圩受粟十萬斛
處之城未易勉旃直自勗執別動萬感酌酒再三祝
吾子素解事涉世要未熱意行須檢理言輕恐招辱
王事究一心言玷復三復細行累大德陰財損陽祿
豈惟贈尔言余亦每自慙公餘稍有暇更取古書讀
行矣更自愛家声要人讀

伯中弟生朝賦茶藤

春日足風雨不知艷陽天桃李俱成塵懶上西湖船

春餘忽微和餘藤發清妍池塘芳草夢况復向何連
中庭月方午蜜林澹清煙紫、青羅帳紫、白玉鈿
幽歡久不講群從俱謹然銀燭煩高烧妃子浴溫泉
花似酒為名我以杯相傳爛醉不復辭此會期年年

黃巖令鄭仁叔索委羽洞詩

君不見王君羽化脫秦厄故山至今名落翮又不見
鳥程野鶴投髦毛佞臣稱瑞民斯勞何如奉林控雀
登青霄傷然委羽登山椒青衣出入洞方杳紫氣氤
氲風尚飄令君頗似丁令威雀馭久去雙鳥歸山川
良是人民非一新琳宮還舊規黃山父老歌循良誦
君詩句游雲房更將山石比堅操百碎猶能徹骨方

即齊偶休沐驅車出西城依上山水佳蒲松栢聲
雪餘春意動新綠生如泓行行到青林老眼增雙明
主人喜客未側展欣逢迎因居迹甚遐健筆詩方鳴
回首幾年別千里揣心旌相見又睽隔此意猶未平
不如造齋閣四座酒重傾風流陶彭澤翫駢阮步平
看劍引三尺論文驅六丁綠野秀橫檻山寺傍連甍
石罅幽泉溢脚底輕雲生詩盟忝子會齊道從君爭
哦詩谷禽應列炬林鴉驚清歡未云足累句忽已成
環坐繁十眉舉酒酬三笑滿壁洒醉墨歸夢含餘清
我方媿此集君欲尋前更鞅方傳秋風為君行

隱清

右軍訪文軍道迹入深竹我來尋歡飲人亡但空谷
靈龜閣澄潭華宇對飛瀑若人今何之尚想舊茅屋
吾聞古君子千載守孤獨楚些不可招懷哉愴喬木

送劉晉父監獄

濟南劉夫子生未逢百罹乃翁負長才宦游至京西
時當建炎間寇盜紛不齊轉徙入湖廣一家屢陷危
五羊買海舟萬里向鮎埼舟破投永嘉有如鳥擇棲
哀、老治中藁葬山之陰母家在衡陽孤嫠往相衣
父卧漳濱疾羈窮命如絲事母以孝聞執喪禮無虧
廬墓屏黃姑至行徹丹墀有詔寵數蕃得官祇奉祠

行年六十二霜髯照厖眉慨然念防墓千里來海涯
西山如蓮華古今豕累况此久宿草無穢不復治
孝思雖甚切真漢何從推行道爲吳嘆智力無所施
有僧幾九齡自言記當時君聞亟叩請東園指荒基
吾師慕弘公少也從吾師墓中有版識倉猝不暇碑
素棺無石擲灰炭周四圍君方感斯言鑽穴從旁窺其
言皆可驗自此不置疑惟餘蓋棺木遺骨不堪移劉
石長故阡遂塞無窮悲此僧老而壯斗酒如覆卮與
君登山椒下上幾如飛竣事才數日溘然不可爲孝
感入益仰真有神相之君曰其不孝迂奉致失期未
得如有失脫得涕滿頰嗟我誠寡陋識君顧已逢一

朝來短札謂我從此辭皎々真白駒安得施繫維戴侯
旧山長參語心相知謂余當詩此頽風激澆濁世出世間
法君方探玄機引証即騰語焉用骯骯詞衡陽尚寄
書當有鴻鴈歸後會淑無日爲賦古別離

王成之給事園山堂

煙雨望麗陽前山羅紫翠照水挹南明不與巾子對
榻來登園山一覽萬山會蓮城山固多此地要爲最
主人意軒豁物景供曠快山椒湧華屋迥立風埃外
一物無遁形所在見纖芥清霜肅天壤佳樹隔闌闌
俯仰隨取舍左右從眇眇門墻尋故步杖屨許從邁
恍然至絕頂更覓宇宙大樽酒屢勸酬棊枰更勝敗

秋高月色皎浮雲了無碍不俟攀仙掌徒手吸溪瀨
茲堂極崇敬意若欠深遂先植易生木徐待松栢允
望遠仍可喜意滿聊自晦無使山下人或得窺外內
但恐趣賜環樹蕪或不逮先生味斯言一咲相領解
吾將飭園丁隨處添弱蒼他時遠扶疎吾廬益可愛

游初陽谷及白巖

重來游仙都止欲訪獨峯寧知一峯外佳境無終窮
何處穎川子鏡巖便相逢約我游白巖輕舟借溪翁
齊餘尋宿諾秋霄沒溶溶清澈見石底鏡刻驚神工
昨登初陽谷但見石嵌空茲浮懸崖下萬石森龍巖
上有勝絕地古語留郭公鬼神謹呵護雷霆掃塵踪

換舡到白巖修篁搖清風帶田進石屋孤竹攢沙路洞
府仙所閱無由辨西東扣舷過巖下數仞如峯墉石
趾平如甃竒怪盡蒼穹更尋小蓬萊俯瞰馮夷宮駕
師進深窈捫籬捨枯筇游子非不多無人解從容我
因一日留幽尋極山中秋旻快排蕩日煖如春融歸
坐獨峯下石影橫空濛急呼醺醪清洗比磊砢冒幸
有濟勝具未能上金龍爲君揮五絃次背送飛鴻

夜游獨峯下

峯背正白月舒光峯影橫野萬丈強仰之彌高卓立
爾蔽遮星斗摩穹蒼羊秋風露清徹骨望望直欲隨
風翔歸尋玉虛步松徑月輪正湧門中央

送顏希聖尚書守泉南

聖朝寶運開虞唐太平天子垂衣裳恢張治具崇儒
良孰不願依日月光用之則行舍則藏孔門賢德遙相
忘朝望方隆位文昌跬步可到中書堂問公擁麾何
太忙公獨三請志益剛俞音一下冥鴻翔行李徑出
臨濤江爭留孔戣動朝行公更偃俯不敢當老成全
德真圭璋温如春風嚴如霜栢臺我多肅朝剛賢閑
嚮風士氣揚大天小天称公方五年吏姦盖而彰金
華勸講言加詳明主傾聽談皇王盍膺枋除任贊襄
名遂身退天所臧明哲保身，更康高風可仰不可
量泉山壤土接臨漳建牙千里開封疆老龍負耆寵

煌，何殊衣錦還故鄉賤子薄宦接王楊曾陪御史
臨文場風簾官燭夜未央劇談猶記声琅々茲來誤
忝尚書郎始尋故步依門墻西風津頭望歸艤輓公
不留遠予將兩宮念公未誰忘公雖遠去如在旁遮
幾重來上錢塘夾輔大業坡中邦倘有重事須平章

陳順之靈壁石硯山

陳順之吏部靈壁石硯山中有雙
澗低處爲硯下米元章題云唐弘
文館校書李群玉有詩南唐李重
光故物也蔣教授文會有詩次韻

名畫法書環四壁中有米家真寶石群峯森聳外澗

流他物雖奇敢爭席。旧属半山老僊人。佛印乞之如乞鄰。阿章有力負之走。一時攘取成紛綸。此石天然非琢磨。是時有水生巖阿。至今研池尚餘潤。歲月既久惜不多。幾年徒見士夫說。一旦喜看形偃月。傍連玉立兩於菟。主人照映冰壺徹。陳侯之富可敵國會。有寶光驚四塞。呼童吸尽硯中水。更爲輕番玩奇刻。不堪回首江南李。空唱多愁似春水。不如此石千載傳。玉砌雕欄等糠粃。寶晉得之真不易。身後寧知亦輕棄。只今傳玩知幾人。當日瑣窓空自秘。端歛爭名南北部。勿向雷門揚布鼓。相臺渴瓦更不須。祇合飢稜蔭風雨。

此本更... 跋注季路所藏脩禊序

永和歲癸丑群賢會蘭亭流觴各賦詩風流見丹青
右軍草禊序文采粲日星選文乃見遺至今恨昭明
字畫最能意自言勝平生七傳到永師襲載過金籀
辨才尤祕重名已徹天庭屢詔不肯獻託言墮成矣
妙選蕭御史微服山陰行譎詭殆萬狀徑取歸神京
辯才恍如失何異敕六丁文皇好已甚丁寧殉昭陵
當時馮趙筆臨寫賜公卿推此定武本謂出歐率更
採擇獨稱善遂以鑄璫瓊流傳迨五季皆在御寢扃
耶律殘石晉睥睨不知名意必希世寶纏裹載輜輶
帝把既北去棄與朽壤并久乃遇知者龕置太守廳

或云政宣間此石歸紹彭又言入內府宣取恐遠程
焚膏繼短匙拓本手不停疊紙至三四肥瘠遂異形
南渡愈難見得者輒相矜我見十數本對之心欲醒
汪侯端明字嗜古自弱齡錦囊荷傾倒快覩喜失声
帶流反右天往字不成而此獨全好護持如有靈
尤王號博雅異論誰與評硬黃極摹寫唐人若無稱
贗本滿東南瑣不足呈猶有婺與撫硯硃近璜珩
右軍再三作已竟不稱情心慕且手追安能效筆精
響揚固近似形似神不清不如參其意到手隨縱橫
况我筆素拙何由望群英近亦得舊物庶幾竊典刑
比本更高勝著語安敢輕孤風鯢難維悵望冥鴻征

送劉德脩少卿潼川漕

清朝重爭臣選取妙一世矯劉御史一鶚勝百鷲
顧瞻最有力步武亦嚴毅一生憂國心千古敢言氣
氣足充所學文能行其意遇事徹奮發觸邪無顧忌
乘驄行且止斂手已知避但思補衮闕何暇爲身計
獨立當雷霆三進氣彌厲去魯固遲出書豈濡滯
上終行其言群賢爭挽致將輸向潼川寓直尚書祕
鳳裁仰清峻進退審難易伊昔聯周行睽違十餘歲
來爲同舍郎愈篤金蘭契洗眼看騰上寧知攬征袂
抗章歎高絕勇退尤知愧去勿窮日力予環日月冀
承君遠道鄉硬語吁可畏毋以此自滿當爲不止是

臨別提斯語少盡交朋誼萬里為同心吳蜀安有異
仙舟共泛滄波去且向蘇公堤下住西風吹就芙蓉
城青鏡閑粧兩呈露皇家法崇儉素宸心但欲乘
高輅離宮別殿無吳作天以西湖供一豫吾儕公退
得清賞酒醖基杯不知暮深知夕照戀狎鷗又恐所
朝追振鷺自憐三入鳳皇城歲月黃塵等閑度湖光
正欲捲簾看風色更煩褰幙護孤山不見處士廬司
馬空尋蘇小墓酒乾人醉歡有餘聯騎還趨湧金路
歸來健倒渾不知睡竟燈前裊香霧丈人公字真水
玉曾為出遨揮妙句勿借韻僅成章敢詫尊前鸚

鵝賦

送楊廷秀秘監赴江東曹

平生楊誠齋可仰不可見去年尺一書老韓忽同傳
道山故仙伯再上右文殿蓬萊絕清淺筆力愈雄健
獨挾風雅軸孰敢當白戰一官定一集流傳殆千卷
拙工見大匠有技不敢獻誰持斫髯篇徑掣巖下電
誦之百寮上慙汗幾被面公今欲何之江左去乘傳
鼻間長栩栩仕已忘欣怨奕奕日暮雲薦紳極追戀
挽公不得留觴豆紛祖饒惟應三山高須公和江練
君王念疇昔臨遣尤繾綣公乎遂來歸密侍清閒無
坐寢淮南謀如彼雪見現從容處籌惟侵疆歸古休

坐臥軒窗遠會無玷寺丞守池陽
我朝衣冠盛名家數三會南豐暨穎川後起參溫陵
迎來螺川族駸、著簪纓春風雁塔中參差見姓名
君才素穎出健筆從縱橫江右兩杜縣談笑政已成
河陽桃李花武城絃歌聲入朝八九載去擁池陽旌
年家有旧好一見意氣傾更因劉御史爲君寫先銘
去年叨省郎君亦轉爲丞中都但交謁名紙空毛生
惟因候賓廡接膝傾交情分陰尤可惜翻恐倒屣迎
阿連幸爲寮庶幾多合弁寧知成勇退拂袖尋歸程
秋浦素簡靜不足煩公行要當試盤錯才及新發硎
似聞有劇部武已薦長卿君其少停驂有詔來皇扁

劉望之國錄惠示文卷次韻爲謝

吾聞三峽江湍流下無底吾聞岷峨山聳秀且千里
坤維氣淑靈所產多名士高文既鏗然特立亦卓尔
久慕黃中劉近有貢公喜亟從蜀士問人物足誰比
少年負竒節論事如翻水萬里見張胡義激非氣使
賢閔遂爲察八尺見英偉諸君皆欽避相與推德蔭
惠我春容篇句法參子美再誦平生言作者真近似
戰國信徒勞秦貪不知止漢唐取興守反覆皆造理
藩鎮論加詳河朔紛鼎峙詞源既淵深浩博渺無涘
從今使諸生教育均蒙被論議歸正乎辭章掃浮靡
古人去已遠時毋分彼此君其挽之回續弦須鳳髓

古人志已盡 李君亮著作守眉山分韻得四辛字
天下大峨山雄秀盤厚地山雖不在眉所在擁空翠
矯矯三蘇公挹此淑靈氣文章垂日星照映蓋一世
李侯起廣漢射策叩丹陛毅然出群英東南諱名字
來上著作庭行入甘泉侍胡為把一麾西歸尋藥市
吾聞此州俗秉法更陳義厚德坐鎮之近古易治翻
君家義槩堂活人百萬計老親懷故山色養謹承志
還家萬里餘赴鎮夕可至不作題杜驕豈有畫繡意
班班老萊衣人間真樂事忠孝無兩心出處固一致
他日上恩君命駕當不俟此別諒非久毋庸慘征袂

送張定叟尚書鎮襄陽

武部尚書張公出鎮襄陽士夫莫
不惜其去昔韓昌黎送鄭尚書詩
韻必以來字祝使成政而來歸疾
去而願歸蓋人之至情也而公自
受降委謂邊事非可趣辨願加久
任庶有成績憂國而不為身謀聞
者壯之某嘗陪即省餞別分韻得
壤字未能措辭繼又隨西蜀諸賢
之後始得詳聞臨遣奏請之言被
酒夜歸亟述長韻
公家忠獻公勲名照穹壤南軒傳聖學後佳斗山仰

尚書天分高百聞
負郎朗日生四益堂
濡染助涵養
小出輒驚世發譽自英蕩
兩朝倚才又三接承睿
堂尹京手風采漢張敞
九街寢榭鼓終清
朝訟銘汙流化清溝
開市鋤巨駟鈴齊畫
無人士友厚吾黨
政成化自行談笑揮
浩穰皇家重間寄拊
髀勞注想頗牧起禁
中帝曰汝其往人多
惜公去地位切台兩
惟公不擇地引義猶
慨慷踰度更周詢千
里若桑文再拜受臨
遣因得進忠讜邊臣
固多事備禦當素講
要須久其任百弊隨
刻礪願假臣歲月表
裏如指掌人材固不
乏第一戒欺罔樸拙
勝巧心好佞寧木疆
願永忠信士枉直謹
誅賞更須寬轡策奏
請應如響

上問卿何先安靜最爲上上憂
襄漢間平楚欠遮障
今因論形勢衮衮到遜抗
是時曾在洛武昌勢相向
是爲必爭地南北謹隄防
今雖居上游事興古殊狀
狂虜縱欲來無處可傳餉
况今三垂靜皇靈方遠暢
與蜀相指角國勢自增壯
尚期效尺寸才疎意非廣
忠肝氣凜凜秋旻足排蕩
上喜憂顧寬趣行開玉帳
捐金示優寵諭賜煩上相
惟公最得士離別俱惘惘
薦紳紛祖餞直欲傾家釀
賦詩寫胃臆一一成技藝
家聲與國事負荷有餘量
邊頭十萬兵公臨如挾纊
吾聞胡運窮群酋欲爭長
不戢將自焚前轍有柱燭
當爲不可勝有和謹毋倡
千載羊叔子制敵恢天網

行將友斯人山川固無恙備成撫機動應煩護諸將
功高歸未晚會見登弼亮他時名父子繼踵凌煙像

送鄭惠叔尚書守建寧

十五年前送別詩道山持節向江西今年又見送公
別大天擁麾鎮閩越向來惜別固已深今日摻祛尤
動心尚書自是第一人氣義相許披胃襟南宮五表
平明入列辟傳聞俱聳立壽皇聖孝冠百王三復
高文天為泣擢處螭坳寵數新果然百日掌絲綸拭
圭修聘稱應變握節不撓威殊鄰直上銀臺尤振職
李藩氣槩時批敕嗣皇銳意新百度筆端貞有回
天力星辰聽履冠文昌急流勇退驚朝行望之正欲

試馮翊長孺寧肯薄淮陽孤拙自憐銷壯志三入脩
門空負媿薦人不進終不已獨賴當時言有味公在
猶嘆一居州公去無人為王留公平行歸佐天子肯
作書晏早微休

送蘇壽甫少卿赴潼川漕

老坡送江直入海君今歸尋江之源外臺去鄉若不
遠為持使節臨潼川君家一世四海聞單于一問驚
胡塵歸來便合上清禁胡為日念橫岷岷賢哉辟從
傳家風夕郎名節世所宗諸卿亦復載清德况君又
似尚書公壽皇念舊久更深聖明親擢傳玉音君
歸寧能及黔突定應召駟來追尋清獻入蜀携一龜

君今數鶴同載歸他時未免蕙帳怨入在西清鶴自
飛

分韻送孫從之司業使湖南得千字

夫君靜而敏人十已則千讀破萬卷書操筆思湧泉
古事與今事一一探本源蚤蜚場屋聲作吏志益堅
竭來上清班漢庭誰在先雍容行秘書史館躬秉鈞
片言寤明主立使登諫垣奉、憂國心傾倒十三篇
司成天下選歸志已浩然赤日送妻子襍被尋谿船
諸生暮陽城欲挽不得專竟持湖南節征袂何翩
憶昨忝同登于今三十年朝行喜相會終恨非官聯
請盍殊未饜匆匆啓離筵始以長官來今以繡衣還

書生素安分豈問却典前第惟公輩流自應留日邊
德星聚南楚予琛當茹連事休有闕繫臨岐欲無言

送王恭父倉部知洋州

天清無雲秋氣明好風叢桂傳芳馨乃於此時送君
行江空目短難為情蚤從兩川馳大名眉宇瑩徹春
壺水語輒傾倒心地平大篇小篇詔鈞鳴 壽皇一
見喜不勝壁水道山照群英潼川題輿遠有聲痛洗
盟癘疫民醒天子呼未再登瀛典領暑作承明建絕
域往陪蘇子卿馬上談笑胡人驚歸未朝君侍西清
胡為西去謀專城士友重歎君不鷹視此進退秋毫
輕洋川風物天下稱文翁流詠人載賡當時猶侍群

政成君今未到意已傾
可哉大編秋江澄
圖史万卷
鷗與盟殘編斷軸恐飄零
數輩裝橫手不停
我亦重
未預彩纓三日不見鄙吝生
况此慘袂將長征
欲挽
不留鳴冥冥賜環物憚萬里程
江山多助筆縱橫
藟
藻王度扶中興

題范寬秋山小景

山高景難圖
意足不待大尺楮
眇千里長江浸橫翠
畫豕雜雲
儻恍徒意會
苟或森三尺便煙若俗子對
此畫格律嚴興寄獨超邁
洗眼映窓明妙處乃不昧
流泉見原委著屋分向背
推車度危橋指路向闕隘
輕舟最渺茫浦嶼如有待
山稜瘦路骨汀洲橫若帶

木葉黃欲脫秋容儼然在
霜餘無片雲歷、數沙界
搜尋自力疲欲賦無可奈
近山才四寸萬象紛納芥
欲識無窮意聳翠更天外

江西李君千能和墨及益壽良齋許
以三奇而詩非所長也

游藝無小大要皆知本原後人率意作終當媿前賢
老潘妙對膠法從玉局傳或假季心名空掃千燈煙
補之貌奪花疎瘦仍清妍折枝映月影真態得之天
李君信雅尚二者將來全諸公競稱許試之乃誠然
江西有詩冰皎、俱成編茲事未易窺屬君尚加鞭
分韻送盧國華福建提刑得華字

盧侯場屋聲天馬騰渾注殘膏沾後人奇芬吐天葩
未踏九陌塵去種河陽花向未再去國盛山連高牙
平生長者譽靜篤語不詳古井絕微波璞玉無纖瑕
使星照蜀道惠愛流三巴吏姦賴刮磨民瘼煩搔爬
田里誦盧公兒童知國華白首尚郎潛坐曹事如麻
翩、擁軺車去、向合沙朝行惜君去舉酒相邀遮
共登獅子峯巨石臨嗒呀却未登湖邊野毒訪萌芽
老柳掃黃葉枯荷蠹寒菹寨枰戰文楸醉帽歌烏紗
伊昔送君行相去萬里賒荷君遠寄書得得未東嘉
一見又成別感念成咨羨君徑褰帷往戍差不待瓜
先尋上水船何殊泛仙槎作粥喜奉妹上家仍過家

此計正未疎所恨成天涯尚幾或留行船鼓毋掃榻

題老融畫牛溪煙雨

暝煙吹雨冥冥兩牛半渡深清京塵久汗巾屢頰思
歸濯吾纓

慧元畫寒林七賢

舊有唐人出游圖謂宋之問王維李
白高適史白岑參今人多畫士賢不
知第七人為誰或云是潘道遥然未
見所據病起坐攻規齋元公忽作寒
林七賢相寄余方夢寐故山見之屢
然戲作數語謝之

羣賢俱詩豪時代不同處安得寒林中聯鏡聊相語
誰歟創妙意臭味無今古吾聞顧陸輩寓意或如許
桃李並芙蓉雪中蕉葉吐元師、老融淡墨掃風雨
作此寄玫瑰歸吳渺煙渚舊六今則七未知果誰與
我欲從之游詎敢廁儔侶盍我往執鞭收為李君御

李文授和所贈老融詩復次韻為謝

鄴侯挿架書最多筆力雄奇天所命萬人海中深閉
門理窟搜尋到幽復我詩無律如山謳形穢豈堪珠
玉映時、歸夢入故山曳扶松問記投瞑因君佳句
撩秋思便欲歸尋舊三徑兼旬足痺不良行况復炎
蒸如釜甑夜未一雨洗河漢蒼溜消、清入聽晨吳

剝琢誰叩門乃有同聲喜相應讀之恍若濯清風自
覺昏眸怯明鏡伊余何幸點班行結交往、多名勝
夫君平處顧清新解道澄江如練淨從今我乃得四
友不特官梅動詩興推枕裁詩謝高致扶憊搖毫心
靡定舊聞讀檄愈頭風今賴長篇起衰病

次韻六和塔秀江亭壁間留題

江外參差列萬山我家深在萬山間好山正不用錢
買但要未老身先閑長江比秋終似少江水能回愁
不了扁舟何日過西陵鄖山佳處吾歸老

跋袁起巖所藏脩禊序

張望當時負蹟臨摹所在支分千載但稱合作誰能

有感斯文

定本為世第一此又在定武前今日錦標玉軸向來
不直一錢

送陳君舉舍人東歸

皇天生人物千載非偶然冲和兼萬人始得一英賢
夫君乃其人人一已百千飛黃欲追風况復勤著鞭
火陣蚤奔放氣欲摩青天短褐東海濱名貫中斗墮
聞道更獨早自言若隊淵出登龍虎榜徑上鵷鷺聯
中聞幾落流清湘窮汭汭自首始為郎一見意已傳
登瀛上麟臺授簡游兔園擢為柱下史遂居紫微垣
去天直尺五朝綱賴扶顛龍樓缺問寢方口爭進言

惟君最勇決螭頭屢直前危言破人膽三進加勤奉
天高聽亦高歸袂何翩翩高風激頽波同列空懸顏
君雖未必去一去勝九遷我欲留孔戣有懷不得專
况自欲去何心挽歸船嗟我生我何為與君幸齊年
先後才九日相與同氣然幾年苦契闊班心忽差肩
判花同代庖君思如勇泉上房草教制下房時一篇
一篇輒高妙隗始媿余先春秋隱公傳國史逮隆編
周官授大旨所得俱未全聚散不可料餞別滄江邊
君將處於陵我耕綿上田君行毋疾驅中途恐傳宣
不然遂成別孤帆渺風煙夢竟不可制隨君墮中川
次韻趙子野石城釣月圖

石城江頭可憐月曾照六朝清夜徧古往今未知幾
何長江衮衮蕭、葉謫僊去後詩盟寒王孫詩瘦清
樂樂詩情浩蕩坐無柰扁舟笑把碯溪竿江平風輕
波瑟、宿靄卷空天一色東風吹句入長安一卷風
流坐中得知得神意清再讀冒次平回頭明月祗如
故世上只廢徒紛更想君一葉方掀舞夜靜水寒誰
與誰船頭有酒且孤斟莫向金陵重懷古

戊溪道中

寒潮高於埭黃流濯西河人牛力俱壯相與衝流過
潮落勢巨禦轉擢依丘阿暮靄起平楚陰雲翳寒莎
夜分潮後上櫓聲相軋摩大江渺無津不知身在何

餘生一虛舟兀然聽風波吾親白雲下况爾方卧病
遠游非吾事歸失毋蹉跎

哭表第汪去偽墓

內弟幼而敏抗志欲決科一行試曹掾吏才猶患多
謂當為時用舌在如命何通籍已艱阻入幕終蹉跎
我生依外家侵尋閱羲娥視君如同氣竹馬聲相和
少長聯研席詞場深琢磨相期到晚歲杖履俱婆娑
寧知五年別君隨東逝波憶同戊溪行我馬君乘羸
馬驚費、十駕羸俊已倍過重來意慘愴樹擁山差
我嗟君父共无相望空山阿宿草埋白壁寒風撼林
柯况吟痛疇昔有淚如懸河

次韻蔣德要三徑

居山或稱囚得閑乃賦謫我樂靜方退來作三徑客
西山致朝爽膏育在泉石况當秋空爭萬里看一碧

吳參議達觀齋

君不見大鵬與鸞鳩自適俱是逍遙游又不見大椿
視朝菌一脩一短終朝盡况乎秋毫為大泰山小莫
壽殤子彭為夭濼園老子超衆作立論雖奇定非矯
鳧脛從短鶴脛長蠻觸亦能成戰場譽堯非桀兩置
之讀書博塞俱亡羊世人顛倒名利途躋攀分寸爭
錙銖河伯猶驚北海若井畦醢雞何足銖試同萬衆
走城市躍馬徒行分賤貴却登高處望塵中但見紛

紛如聚蟻暫高猶爾况真高神游八表非矜豪寧能
高奉去人世勿以役役隨滔滔是知達人有大觀練
夢為周軻自玩儻然無入不自得處若終身仕成優
吳侯晚到東海濱飽諧世故無戚欣相逢一笑成莫
逆似知我亦箇中人

送姜子謙丞於潛

處則有超運出則將吸松眉宇無一塵出處皆雍容
君看妙蓮華本出汙泥中兩松痛婦既下有傳書叢
汙絮無二致宣寂本亦同於潛今畿邑蜀道万里通
至今存古意民風尚醇醲一邑既當問尤宜撫疲瘡
藍田聞最高後李仰韓公彼言蓋有激昧者但稱工


成業漫不省丞哉豈負擊姜氏大嶽後夷門慕家風
教子遜名師列碑多儒宗官庠既闢荒書種慶所種
換桂雙枝秀益見筆研功後生日加勉衣鉢傳無窮
君不有餘乃壯行氣方克功名此推輪勁翮看摩空
我歸幸同社茶酒時相從尊前不忍別吟愁夕陽春
我家老陽州五記有遺蹤向來耕織圖為煩訪溪翁

送從弟叔韶尉東陽

阿連少也爽孤立生氣跋壯年淬詞鋒傾心事鉉槩
膠庠因齏鹽世科終穩占再與連桂堂爾祖貞不忝
况將尉東白士友尚歆豔惟我愛子深老矣猶不厭
固知為子喜頰亦動吾念贈子當以言若口當針送

此色子舊游歷、數行店棠陰見即君遺老喜窺規
其民最服義情偽靡容掩莫恃采棒威要使慕巾墊
子文多立就詞采更華贍吾聞侍後者塞門差瓦玷
前賢最加謹臨用更重檢他時可待取天庭得錦煥
吾家有素風耳目久濡染毋庸慕豪華助廉先以儉
酒酒更宜歲平地有深塹酣暢當有時勿習盃歛澆
持論毋過高斯言却防玷立即毋務奇躡步恐成僭
外物思過分檢身但多尺物嫌一尉卑封清尚為儻
仕途固嶮巖大要進以漸不須苦求知貞知奏應剡
向來湖海豪四十可收歛寧為處囊錐莫作露刃劍
匆匆搵袂別魚鮮酒方釀刮目待子歸罔俾吾言驗

中... 下... 不可... 莫... 曰... 曰... 曰...
 攻媿先生文集卷第二
 示... 曰... 曰... 曰... 曰... 曰... 曰...
 吾... 曰... 曰... 曰... 曰... 曰... 曰...
 曰... 曰... 曰... 曰... 曰... 曰... 曰...
 曰... 曰... 曰... 曰... 曰... 曰... 曰...
 曰... 曰... 曰... 曰... 曰... 曰... 曰...
 曰... 曰... 曰... 曰... 曰... 曰... 曰...
 曰... 曰... 曰... 曰... 曰... 曰... 曰...





卷3-卷4

